

四庫全書

集部

欽定四庫全書

集部

唐詩鼓吹

目錄  
卷二

詳校官中書臣呂光復

助教臣常循覆勘

覆校官中書臣張虎拜

校對官助教臣胡予襄

謄錄監生臣吳之承

欽定四庫全書

集部八

唐詩鼓吹目錄

總集類

卷一

五十六首

柳子厚

一十首

劉禹錫

一十五首

許渾

三十一首

卷二

五十五首

薛逢

二十二首

韓偓

一十九首

王維

八首

高適

一首

岑參

一首

張說

二首

耿漳

二首

卷三

六十四首

陸龜蒙

三十五首

包佶

一首

鮑防

一首

皇甫冉

七首

郎士元

三首

羊士諤

一首

竇常

一首

竇牟

一首

楊巨源

一十四首

卷四

六十九首

曹唐

一十八首

宋邕

一十一首

李益

二首

賈島

一首

章碣

二首

李頻

一首

杜荀鶴

一首

崔顥

一首

李頎

二首

趙嘏

八首

崔塗

三首

李郢

一十首

韋蟾

一首

薛能

四首

秦韜玉

四首

卷五

五十九首

劉滄

四首

劉威

一首

曹松 二首

崔魯 四首

張祐 一首

顏萱 一首

皮日休 二十三首

張賁 一首

羅鄴 四首

錢起 一首

盧綸 五首

司空曙 三首

陳羽 二首

戴叔倫 一首

李嘉祐 五首

姚鵠 一首

卷六

五十九首

杜牧之

三十二首

高駢

六首

王初

七首

崔峒

一首

朱灣

一首

呂洞賓

一首

吳融

一十一首

卷七

五十八首

李商隱

三十四首

溫庭筠

一首



劉長卿 一首

李德裕 一首

李紳 一首

紀唐夫 一首

陳上美 一首

來鵬 二首

鄭準 一首

章八元 一首

李羣玉 五首

卷八

六十一首

羅隱 七首

張蠙 二首

李山甫

五首

武元衡

三首

唐彥謙

二首

李遠

三首

權德輿

五首

于鵠

一首

盧弼

一首

獨孤及

一首

胡宿

二十三首

蘇廣文

三首

王建

五首

卷九

五十六首

譚用之 三十八首

司空圖 一十四首

不知名氏 二首

袁不約 二首

卷十

五十九首

鄭谷 一十一首

張泌 一十首

韋莊 一十九首

吳商皓 二首

胡曾 六首

王表 一首

項斯 一首

崔珣 三首

李後主

四首

湯悅

一首

徐鉉

一首

臣

等謹按唐詩鼓吹十卷不著撰人名氏據

趙孟頫序稱為金元好問所編其門人中書  
左丞郝天挺所註

國朝常熟陸貽典題詞則據金史隱逸傳謂天  
挺乃好問之師非其門人又早衰厭科舉不  
復充賦亦非中書左丞頗以為疑案王士禛

池北偶談曰金元間有兩郝天挺一為元遺山之師一為遺山弟子考元史郝經傳云其先潞州人徙澤州之陵川祖天挺字晉卿元裕之嘗從之學裕之謂經曰汝貌類祖才器非常者是也其一字繼先其父於元太宗世多著武功天挺英爽剛直有志畧受業於遺山元好問累官河南行省平章事追封冀國公謚文定為皇慶名臣嘗修雲南實錄五卷

又註唐詩鼓吹集十卷近常熟刻鼓吹集乃  
以為隱逸傳之晉卿而致疑於趙文敏之序  
稱尚書左丞又於尚書左丞上妄加金字誤  
甚云云然則貽典等所考知其一而不知其  
二矣好問所錄皆唐人七言律詩凡九十六  
家共五百九十六首作者各題其名惟柳宗  
元杜牧題其字未喻何故第四卷中宋邕詩  
十一首天挺註以實出曹唐集中題作宋邕

當必有據然第八卷中胡宿詩二十三首今  
並見文恭集中實為宋詩誤入則亦不免小  
有疎舛顧其書與方回瀛奎律髓同出元初  
而去取謹嚴軌轍歸一大抵道健宏敞無宋  
末江湖四靈瑣碎寒儉之習實出方書之上  
天挺之註雖頗簡畧而但釋出典尚不涉於  
穿鑿亦不似明廖文炳等所解橫生枝節庸  
而至於妄也據都卬三餘贅筆此書至大戊

申江浙儒司刊本舊有姚燧武一昌二序此  
本佚之又載燧序謂宋高宗嘗纂唐宋軼事  
為幽閒鼓吹故好問本之案三都二京五經  
鼓吹其語見於世說好問立名當由於此燧  
所解不免附會其文也乾隆四十一年十二  
月恭校上

總纂官臣紀昀臣陸錫熊臣孫士毅

總校官臣陸費墀



唐詩鼓吹原序

鼓吹者何軍樂也選唐詩而以是名之者何譬之於樂其猶鼓吹乎遺山之意則深矣中書左丞郝公當遺山先生無恙時嘗學於其門其親得於指授者蓋不止於詩而已公以經濟之才坐廟堂以韋布之學研文字出其博洽之餘探隱發奧人為之傳句為之釋或意在言外或事出異書公悉取而附見之使誦其詩者知其人識其事物者達其義覽其辭者見其指歸然後唐人之

精神情性始無所隱遁焉嗟夫唐人之於詩美矣非遺山不能盡去取之工遺山之意深矣非公不能發比興之蘊世之學詩者於是而紬之繹之厭之飫之則其為詩將見隱如宮商鏘如金石進而為詩中之韶濩此政公惠後學之心而亦遺山裒集是編之初意也耶公命為序不敢辭謹序其大畧如此至大元年九月十二日吳興趙孟頫序

欽定四庫全書

唐詩鼓吹卷一

元 郝天挺 註

柳子厚

諱宗元河東人貞元九年進士授校書郎累遷監察御史裏行擢禮部員外郎後貶邵州

刺史又徙柳州卒於官有集今行於世

登柳州城樓寄漳汀封連四州

永貞元年子厚與韓泰韓晔劉

禹錫陳諫凌準程异章執誼皆以附王叔文貶號八司馬準執誼皆卒貶所程异先召用元和

十年子厚等五人例召至京師又皆出為刺史子厚柳州泰漳州曄汀州諫封州禹錫連州

城上高樓接大荒

左思吳都賦云出乎大荒之中行乎東極之外爾雅曰大荒海外彌廣無

所不連

海天愁思正茫茫

柳州近海故曰海天

驚風亂颭芙蓉水

職

啖切密雨斜侵薜荔牆

離騷云貫薜荔之落藟注云薜荔香草綠木而生

嶺樹重

遮千里目江流曲似九迴腸

司馬遷云是以腸一日而九迴

共來百越

文身地

史記楚大敗越殺王無疆越以此散諸侯子爭立或為君或為王故為百越

猶自音

書滯一鄉

衡陽與夢得分路贈別

子厚浮舟適柳州夢得登陸赴連州

十年顛顛到秦京

即赴召長安時也

誰料翻為嶺外行伏波故

道風煙在

後漢馬援拜伏波將軍南討交趾道出衡陽至今廟存焉時子厚與禹錫同出衡陽有

伏波神祠云一以功名累翻思馬少游蒙蒙篁竹下有路出壺頭是也

翁仲遺墟草樹平

魏明帝鑄銅人二名曰翁仲水經注云鄣南千秋亭壇廟東枕道兩石翁仲南北相對此墓前石人也直

以慵疎招物議休將文字占時名今朝不用臨河別垂

淚千行便濯纓

漢李陵別蘇武詩曰嘉會難再遇三載為千秋臨河濯長纓念別悵悠悠

### 柳州寄丈人周韶州

越絕孤城千萬峯

越絕書云何謂越絕越者國之姓氏也絕者絕也勾踐抑強扶弱絕惡反

之於善也空齋不語坐高春

淮南子曰日至於悲谷是謂晡時回於女紀是謂大遷經於泉

隅是謂高春頓于連山是謂下春注尚未冥上蒙先春曰高春連山西北山名言將欲冥下蒙悉春故曰下

春連音爛印文生綠經旬合硯匣留塵盡日封梅嶺寒煙

藏翡翠

翡翠鳥名

桂江秋水露鰓鱗

上魚容切下音庸魚皮有文者出樂浪張衡

南都賦云水蟲則有鱣音尋鱣鰓鱗龜鼉蛟螭

丈人本自忘機事

莊子云漢陰丈人曰有機

械者必有機事有機事者必有機心

為想年來顯頤容

楚詞漁父篇云形容顯頤蓋問之

辭也顯頤容自謂也

### 得盧衡州書因以詩寄

臨蒸且莫歎炎方

衡州有臨蒸縣

為報秋來雁幾行林邑東回

山似戟

林邑漢象林郡馬援鑄銅柱於此也

牂牁南下水如湯

楚遣莊蹻伐夜郎至

目蘭楸船於岸而步戰既滅夜郎以木蘭有楸船處故名為牂牁史記牂牁江出番禺城下牂牁音臧柯繫船

棧也其義取此

蒹葭淅瀝含秋雨

毛詩蒹葭蒼蒼白露為霜

橘柚玲瓏透夕

陽非是白蘋洲畔客

南史柳惲為吳興太守為江南還曲云汀洲采白蘋日落江南春

將遠意問瀟湘

問盧衡州也

### 嶺南郊行

瘴江南去入雲煙望盡黃茆是海邊

元和志廉州春謂青草瘴秋謂黃茆

瘴中多死者

山腹雨晴添象跡

嶺外代答象州郡治西樓正面西山雨晴山腹忽起白雲

狀如白象經時不滅潭心日暖長蛟涎蛟於江中吐涎人浮為射

工巧伺遊人影

博物志江南有射工蠱長二三寸有弩形氣射人不治則殺人即短蜮也颶

母偏驚旅客船

颶音具嶺表志云南海秋夏間有暈如虹者謂之颶母影必有颶風南越

志熙安多颶風颶者具四方之風也常以五月六月發未至時難犬先為之不寧從此憂來非

一事豈容華髮待流年

### 柳州峒氓

郡城南下接通津異服殊音不可親青箬裹鹽歸洞客

綠荷包飯趁墟人

青箱記錄云嶺南村市滿時少虛時多故以市為墟鵝毛禦臘



縫山罽

音寄 鵝毛為被土人家家養鵝

邕管溪峒不產絲繡民多以木綿茹花

毛積以禦寒

雞骨占年拜水神

前漢郊祀志漢武帝元封二年初令越巫祀上帝百神而

用雞卜注云持雞卜如鼠卜也卜歲之豐凶云

愁向公庭問重譯

書傳周成王時越裳氏重

譯而來朝曰久矣天無烈風淫雨意中國有聖人乎

欲投章甫作文身

章甫士冠商之冠曰

章甫其制與周之委貌夏之母追俱以漆布為之莊子曰宋人資章甫而適越越人斷髮文身無所用之也

### 別舍弟宗一

零落殘魂倍黯然

魏文帝與吳質書數年之間零落畧盡言之傷心 江淹別賦黯然消魂

者別而已矣

雙垂別淚越江邊 一身去國六千里 萬死投荒

十二年

漢馬援傳朱勃上書曰切見伏波將軍拔自西州欽慕聖義間關阻難觸冒萬死孤立羣貴之

間傍無

一言之助馳深淵入虎口豈顧計哉投荒者謂投竄于荒服外也

桂嶺瘴來雲似

墨洞庭春盡水如天

李春巴蜀雪消洞庭漲溢

欲知此後相思夢長

在荆門郢樹煙

荆門郢樹謂宗一將遊之處也

再授連州至衡陽酬贈別夢得

南本柳文作夢得詩夢得至

衡陽詩贈子厚故酬此贈別

去國十年同赴召

謂與夢得六司馬同赴長安時

湘江千里又分岐重

臨事異黃丞相

漢黃霸為潁州守徵為京兆尹坐發民治馳道乏軍興有詔歸潁川守後為丞

相夢得初貶連州今再出  
判連州故曰重臨事異也  
三點名慚柳士師

柳下惠為士師三點

曰直道而事人  
馬往而不三點  
歸目併隨回雁盡

衡陽有回雁峯

愁腸政遇斷

猿時桂江東過連山下

桂江即灘水在柳州城外連山即連州也

相望長吟

有所思

嵇康贈兄詩心之憂矣永嘯長吟

楊尚書寄柳筆

知是小生本樣令更商推使盡其功輒獻長句尚書即楊於陵

也

截玉鉤錐作妙形

鉤思廉切利也玉白樂天詩云策目穿如札毫鋒利

以竹作管故云截

似貯雲含霧到南溟

書法苑云王逸少裁成之妙煙霏霧結斷而復連鳳翥龍盤斜而復

正鄭虔草書如風送雲收霞催月上今言尚書舊  
貯雲含霧言筆未經用也柳州近海故曰南溟

用裁天詔漢制以尚書作詔文內史親將寫道經晉王羲之為會稽內史為山陰

道士寫道德經龍白鵝而歸曲藝豈能裨損益禮記曲藝皆誓之注曲藝為小技藝也誓

謹習微辭祗欲播芳馨文選登徒子好色賦云宋玉為人體貌閑麗口多微辭注云微

妙之桂陽卿月光輝遍彬州即古桂陽郡也書洪範

辭也有所掌如毫末應傳顧兔靈楚詞曰夜光何德死而又育厥利維何顧兔在腹注

謂顧兔望也今筆用兔毫故能傳其靈也

同劉二十八哭呂衡州兼寄江陵李元二侍郎

呂溫渭之子也與宗元禹錫善以妄言李吉甫憲宗怒貶道州刺史徙衡州治有善狀

衡嶽新摧天柱峯

衡嶽五峯其一曰天柱此喻呂溫也

士林顛顚泣相逢

祇令文字傳青簡

古人書於竹簡故曰青簡

不使功名上景鍾

國語晉悼

公曰晉克路之役秦來圖敗晉功魏顓却退秦軍於輔氏親止杜回其勛銘于景鍾韋昭注景公之鍾也三

畝空留懸磬室

春秋齊侯曰室如懸磬野無青草

九原猶記若堂封

禮檀

弓趙文子與叔譽觀于九原文子曰死者如可作也吾誰與歸注云晉大夫之墓也又云吾見封之若堂者

矣注築土為四方隴而高也

遙想荊州人物論幾回中夜惜元龍

魏志

陳登字元龍劉備在荊州論天下人物許記曰陳元龍湖海之士豪氣不除備曰元龍文武膽志當求之于古

人中耳陳登卒年三十九 溫卒  
時年四十故以元龍比之云耳

**劉禹錫**

字夢得中山人貞元九年進士時王叔文得幸與之交及叔文敗斥朗州司馬後徙和州

刺史裴度薦為翰林學士遷太子賓客會昌間檢校禮部尚書卒有集今傳於世

## 西塞山懷古

**王濬樓船下益州**

晉王濬為益州刺史大造舟船伐吳漢武帝鑿昆明池以習水戰作樓

船上建樓櫓故名樓船楊僕為樓船將軍

**金陵王氣黯然收**

楚威王以其地有王氣埋金鎮

之故名金陵 晉書泰時望氣者云五百年後金陵有天子氣始皇東巡以厭之改其地為金陵塹北山以絕

其王

**千尋鐵鎖沈江底**

晉書吳人以鐵鎖橫絕江面王濬作火棧火炬遇鎖輒溶液船

無所礙

一片降幡出石頭

王濬軍次建業吳主孫皓出降

人世幾回傷往

事山形依舊枕寒流今逢四海為家日

漢書天子以四海為家故所居

曰行在所

故壘蕭蕭蘆荻秋

### 漢壽城春望

漢壽城邊野草荒祠古墓對荆榛

古荊州治亭下有子胥廟楚王故墳

田中牧豎燒芻狗

莊子天運篇大芻狗之未陳也盛之以筐衍巾之以文繡尸祝齋戒以將

之及已陳也行者踐其首脊蘇者取而爨之矣

陌上行人看石麟

西京雜記云五柞宮西梧

桐樹下有石麒麟二枚各刊其文是始皇驪山墓上之物也

華表半空驚霹靂

驚一作經

華表墓前雙柱也

神仙傳丁令威化白鶴集于遼東城門華表柱上

碑文纔見滿埃塵

不知何日東瀛變

顏魯公麻姑壇記云麻姑自言接待以來見東海三為桑田向聞蓬萊水

淺于往者

此地還成要路津

古詩先據要路津

### 荆門道懷古

南國山川舊帝畿

西有夷陵楚之故都邑也

宋臺梁館尚依稀

宋武帝曾

為荊州都督梁元帝龍興於此

馬嘶古樹行人歇麥秀空城野雉飛

野一

作澤

箕子朝周過殷墟乃作麥秀之詩云麥秀漸漸

兮禾黍油油枚乘七發云麥秀漸兮雉朝飛莊子

澤雉十步一啄百步一飲

風吹落葉填宮井火入荒陵化寶衣

王者葬以



珠襦玉匣故曰寶衣徒使詞臣庾開府咸陽終日苦思歸因梁庾信景

臺城亂奔江陵元帝承制除為御史中丞聘西魏屬大軍南討留長安累遷開府儀同三司後南北通好流寓之人各許還國惟信與王褒惜而不遣信常有鄉關之思乃作哀江南賦有云霸陵夜獵猶是舊時將軍咸陽布衣非獨思歸王子

### 早春對雲奉寄澧州元郎中

新賜魚書墨未乾

漢楊綰傳舊制刺史被代若別遣皆降魚書乃得去賢人暫屈

遠人安朝驅旌旆行時令

漢書刺史四時行部王尊為益州刺史行部至卬邦九折

坂問吏曰此非王陽所畏道耶吏曰是尊叱其馭曰驅之王陽為孝子王尊為忠臣也續漢書太守常以春

月行縣勸民農  
桑振救乏絕

夜見星辰憶舊官

漢書郎官上應列宿  
晉書天文志昭昭

可知者經星常宿一百一十八名積數七  
百八十三皆有州國官名物類之象故云  
梅蘂覆階鈴

閣暖晉羊祜在襄陽常輕裘緩帶身不  
被甲鈴閣之下常不過數人侍衛  
雪花當戶戟枝

寒隋書柳彧傳待制三品以上門皆列戟  
又呂布為劉備解圍射中轅門戟枝遂免  
寧知楚客

思公子北望長吟澧有蘭  
屈原離騷九歌湘君沅有芷  
兮澧有蘭思公子兮未敢言

注澧水名也公  
子比元郎中

松滋渡望峽中

渡頭輕雨灑寒梅雲際溶溶雪水來  
江源在蜀雪山之下出焉  
夢渚

草長迷楚望

楚有七澤雲夢最大通巴蜀有雲夢之饒

史記江陵故郢內傳曰江漢沮漳楚

之望也

夷陵土黑有秦灰

楚頃襄王二十一年秦白起拔郢燒夷陵遂東至竟陵王亡去

郢東徙陳秦以郢為南郡

巴人淚應猿聲落

梁簡文帝古樂府云巴東三峽巫峽長猿鳴三

聲淚霑裳

蜀客船從鳥道回

南中八志云交趾郡治龍編縣自古興鳥道四百里以其險絕

獸猶無蹊人所莫由特上有飛鳥道耳李太白蜀道難云西當太白有鳥道是也

十二碧峯何

處所

即巫山也

永安宮外有荒臺

即古夔子國蜀先主改為永安巫山縣西北二百五

十步有陽臺今云臺荒者譏楚王淫放也杜詩懷古云江山故宅空文藻雲雨荒臺豈夢思

送張源中丞充新羅冊立使

相門才子稱華簪

魏曹植傳相門有相夫相者文德昭也文德昭則可以正國朝致雍熙稷

契夔龍是也

史記高陽氏有才子八人世謂之八元此十六族者

之八愷高辛氏有才子八人世謂之八元此十六族者

世濟其美不殞其名舜舉而用之

陶淵明詩此事直須樂聊用忘華簪持節東行捧德音

漢蘇武持節收羝羊於海上

前漢書終德音下明詔

面帶霜威辭鳳闕口傳天

語到雞林

後漢劉陶詔朱穆曰手握王爵口含天憲雞林即新羅地名

煙開鼇背千

尋碧日落鯨波萬頃金想見扶桑受恩後

山海經云黑齒之北曰暘

谷有大樹九日居下枝一日居上枝皆戴金鳥郭璞云

扶桑也十洲記扶桑在碧海中有樹長數千丈三十

餘圍兩樹同根更相依倚故稱為扶桑也

一時西拜盡傾心

洛中送楊處厚入關便遊蜀

洛陽秋日正淒淒

毛詩秋日淒淒百卉具腓

君去西秦更向西舊學

三冬今轉富

書說命王曰來汝說台小子舊學于甘盤既乃遜于荒野

前漢東方朔字曼倩上

書曰臣年十三學書三冬文史足用

曾傷六翮養初齊

世說云林公好鶴刺東之人遺之雙

鶴翅長欲飛林公甚惜之乃鍛其翮爲翦而不能起乃舒翼反首視之有懊惱意林公曰既有凌霄之姿何

當爲人作耳目近玩養令六翮成遂冲天而去漢班固擬連珠曰臣聞鸞鳳養六翮以凌雲帝王乘英雄以

濟民王城曉入窺丹鳳

王城京兆也有丹鳳門今路由之故云

蜀路晴來見

碧雞

南詔有金馬碧雞之山漢宣帝遣王褒入蜀祀焉左太冲蜀都賦曰金馬騁光而絕景碧雞儵忽而

耀儀

早識卧龍應有分

成都武侯廟

不妨從此躡丹梯

杜詩云丹梯庶

陵可

### 送周使君罷渝州歸郢中別墅

君思郢上吟歸去

晉陶潛賦歸去來辭

故自渝南擲郡章

渝古巴子國

漢朱買臣為會稽太守衣故衣懷其印綬歸郡邸郡吏與同食見其印綬怪之前引其綬視其印乃會稽太守

章也野戍岸邊留畫舸綠蘿陰下到山莊池荷雨後衣香

起

離騷製芰荷以為衣兮集芙蓉以為裳杜詩寄嚴武云不妨遊子芰荷衣

庭草春深綬

帶長

毛詩義疏曰鷗五色綬文草故曰綬帶

祗恐鳴騶催上道

北山移文鳴騶入谷

鶴書赴隴後漢郭祚傳曰祚遷尚書右僕射故事令僕中丞騶唱而入宮門至于馬道及為僕射以為非盡敬之宜言於世宗帝納之詔御在太極唱至止車門御在朝堂至司馬門騶唱不入宮自此始也

待得晚松嘗

齊周顒隱鍾山王儉謂曰卿山中何所食曰亦米白鹽綠葵紫蓼又問何者最佳曰

春初早韭  
秋末晚菘

## 送浙西李相公赴鎮

建節東行是舊遊  
歡聲喜氣滿吳州  
郡人重得黃丞相

前漢黃霸為潁川太守徵守京兆尹坐乏軍興詔復歸潁川太守

童子爭迎郭細侯

後漢

郭伋字細侯為并州牧行部到西河美稷童兒百餘各騎竹馬道次迎拜

詔下初辭溫室樹

溫室長樂宮中殿名 前漢孔光嘗休日兄弟妻子燕  
語終不及朝省政事或問光溫室省中樹皆何木光嘿  
然不應更答  
夢中先到景陽樓 齊書武帝宮內不聞端  
門鼓漏置鐘于景陽樓

上以應  
五鼓

自憐不識平津閣

公孫弘為丞相封平津侯  
開東閣以待四方之賢者 遙

望旌旗汝水頭

### 送蘄州李郎中赴任

楚關蘄水路非賒東望雲山日夕佳

陶淵明詩云  
山氣日夕佳 薤葉

照人呈夏簟

淮南蘄州出笛林薤葉  
簟杜詩恩分夏簟冰

松花滿碗試新茶

樓中飲興因明月

晉庾亮月夜登南樓佐吏欲避亮曰  
諸君且住老子于此興復不淺 李



白陪宋中丞武昌夜飲云清景南樓夜風流在武昌庾  
公愛秋月乘興坐胡床龍笛吟寒水大河落曉霜我心  
還不淺懷江上詩情為晚霞謝玄暉餘霞散成綺澄江  
淨如練李白歌殘霞飛丹  
映江此地交親長引領早將玄髮到京華晉陸機詩云  
柔顏收紅藻  
素髮吐  
素華

### 贈日本國僧智藏

浮杯萬里過滄溟

高僧傳杯渡者不知其姓名嘗乘木  
杯渡河因以名焉宋文帝元嘉元年

行至赤山  
湖而死

徧禮名山適性靈深夜降龍潭水黑

後趙佛  
圖澄能

降龍致  
風雨

新秋放鶴野田青

放鶴事已見送處厚入關註  
晉永嘉郡記曰青田有雙

欽定四庫全書

唐詩卷一

白鶴年年生子長大便  
去惟餘父母一雙在耳

身無彼我那懷土

論語小  
人懷土

心會

真如不讀經

馬祖曰真如有變易豈不聞善知識者能  
迴三毒為三聚淨戒迴六賊為六神通迴

煩惱作菩提迴無明作大智  
若真如無變易是外道矣

為問中華學道者幾人雄

猛得寧馨

晉書王衍字夷甫神情明秀總角嘗造山濤  
濤曰何物老嫗生寧馨兒  
寧馨吳語猶常

言如  
是也

哭龐京兆

俊骨英才氣裒然

裴余救切  
賢良直言

詔曰今予大夫裒然為舉  
前漢武帝建元元年舉

首朕甚嘉之于是董仲舒上  
策注云裒然者盛服貌也

策名飛步冠羣賢

左傳策  
名委質

李陵與蘇武書策  
名清時貳乃辟也

逢時已自致高位得疾還因倚少

年天上別歸京兆府

王隱晉書曰鎮南劉弘以王矩為廣州矩至長沙見一人著單衣持

奏在岸上省奏云京兆杜靈之矩問君京兆人何時發來答云朝發矩怪問京兆去此數千那得早發今到杜

答云僕天上京兆去此數萬何止數千乎人間空歎茂陵阡

漢書原陟自以先人墳墓儉約

非孝也乃大治塚舍初武帝時京兆曹氏葬茂陵民謂其道為京兆阡陟慕之乃買地開道立署曰南陵阡人

不肯從祇謂之原氏阡

今朝總帳哭君處

總旋芮切疏布之帳也杜詩云空餘金柅出

無復總帷輕

前日見鋪歌舞筵

哭呂衡州

時余方謫居

欽定四庫全書

月言直明  
卷一

一夜霜風凋玉芝

晉謝玄傳譬如芝蘭玉樹欲使生于階庭耳晉書庾亮死將葬何充會

之歎曰埋玉樹于土中使人情何能已耳

蒼生絕望士林悲

晉書謝安高卧東山諸人每相

與言安石不起將如蒼生何

周庾信

空懷濟世安人

畧

晉成帝時廷尉孔坦疾篤庾冰省之流涕坦慨然曰大丈夫臨終不問以濟世安人之術乃為兒女子相

對泣

不見男婚女嫁時

魏書管輅弟康謂輅曰大將軍待君意厚冀當富貴乎輅歎曰

我自知有分耳然天與我才名不與我壽恐四十七八間不見女嫁兒娶婦也

遺草一函歸太

史

漢司馬相如病甚居茂陵天子曰相如病甚可往悉取其書使者至相如已死妻曰長卿未死時有一卷

書曰有使者求書奏之乃遺札封禪事詩意言呂旅溫雖歿所遺文章奏記皆付于太史氏傳不朽也

墳三尺近要離

後漢梁鴻字伯鸞與妻孟光隱于吳依富人臯伯通廬下為人賃舂其妻具食

舉案齊眉伯通異之舍之于家病困告主人曰我死慎勿令持我喪去及卒伯通葬于要離塚傍咸曰要離烈

士伯鸞清高可相近也

朔方徙歲行將晚

毛詩城彼朔方漢蔡邕以光和災異表忤宦

者楊球曹節奏下洛陽獄劾以害大臣不敬棄市中常侍呂強愍邕無罪請之詔減死與家屬髡鉗徙朔方不

得以赦令除禹錫時亦謫居以己之文章比伯喈也

欲為君刊第二碑

蔡邕為郭林宗

碑謂盧植曰吾為碑銘多矣皆有慚德惟郭有道碑無愧色耳漢張平子有前後碑又後魏鄭義卒其子

道昭為光州刺史為其父磨崖石刻二碑焉

## 東嶽張鍊師

東嶽真人張鍊師高情雅淡世間稀堪為烈女書青簡

秦漢書用竹簡故云青簡

久事元君住紫微

京北南山中有九天太一元君之湫

金縷

機中拋錦字

晉竇滔妻蘇氏有織錦迴文詩

玉清壇上著霓衣雲衢不

用吹簫伴祗擬乘鸞獨自歸

列仙傳簫史秦穆公時人善吹簫公主弄玉好之以

妻馮遂教弄玉作鳳鳴似鳳聲鳳來止其屋為作鳳臺夫婦止其上數年皆隨鳳飛去

### 送李庾先輩赴選

一家何啻十朱輪

前漢楊惲丞相敞子家隆盛乘朱輪者十人 詔令二十石長史車朱兩

輜畫輪

諸父雙飛乘大鈞

北史崔陵弟仲文陵為侍中仲文為銀青光祿大夫同日受拜

時云兩鳳連飛 賈誼鵬賦云大鈞播物 曾脫素衣參  
垓北無垠 詩小雅節南山云秉國之鈞

幕客却為精舍讀書人

後漢包咸傳曰咸往東海立精舍講授

離筵洛水

侵杯色征路函關向晚塵今日山翁舊賓主

晉山濤能作奏啓人

謂之山公啓事 知君不負帝城春

許渾

字仲晦潤州丹陽人也太和六年登進士第為太平縣令後拜監察御史厯睦郢二州刺史有

詩二卷行于世

凌歊臺

在太平州當塗縣北黃山上宋高祖所築

宋祖凌歊樂未迴三千歌舞宿層臺

宋武帝南遊嘗登此臺且建離宮焉

湘潭雲盡暮山出巴蜀雪消春水來行殿有基荒薺合

寢園無主野棠開百年應作萬年計

文苑應作便

巖畔古碑

空綠苔

李白凌歊臺詩云曠望登古臺臺高極人目欲覽碑上文苔侵豈堪讀

### 途經驪山

聞說先皇醉碧桃日華浮動鬱金袍

杜詩石乳上雲氣杉清延日華本

草鬱金染衣最鮮明然不奈日炙染成亦有鬱金香氣也

風隨玉輦笙歌迥雲捲珠

簾劒旆高鳳駕北歸山寂寂

謂肅宗去靈武

龍旗西幸水滴溜

謂玄宗幸蜀

貴妃歿後巡遊少瓦落宮牆見野蒿



咸陽城西門晚眺

一上高城萬里愁，蒹葭楊柳似汀洲。  
溪雲初起日沈閣，山雨欲來風滿樓。  
鳥下綠蕪秦苑夕，蟬鳴黃葉漢宮秋。  
行人莫問前朝事，渭水寒聲晝夜流。

送蕭處士歸緱山別業

醉斜烏帽髮如絲，曾看仙人一局棋。

述異志晉樵者王質伐木入信都郡

石室山見二童子棋與質一物如棗核食之而觀童子謂質曰汝斧柯爛矣質歸鄉里無復時人

賓館

有魚為客久

史記馮驩在孟嘗君門下彈鋏歌曰長鋏歸來乎食無魚

鄉書無雁到

家遲

此用蘇武事 杜工部酬韋諷州云雖無南過雁看取北來魚

維山住近吹笙廟

列仙傳周靈王太子晉好吹笙作鳳鳴遊伊洛之間道者浮丘公接以上嵩山

湘水行逢鼓瑟

祠離騷遠遊使湘靈鼓瑟今令海若舞蜀州云鼓瑟至今悲帝子注云堯之女妻舜故曰帝

杜工部酬高

予今夜月明何處宿九疑雲盡碧參差

九疑蒼梧山名梁簡文詩九

疑勢參差江天相蔽虧

### 金陵懷古

玉樹歌殘王氣終

陳後主遊宴與狎客江總陳暄等及諸妃嬪女學士共賦詩采其豔麗者

被以新聲有玉樹後庭花臨春樂等曲 王去聲已見前注

景陽兵合戍樓空

景陽宮中

樓名也 松楸遠近千官家禾黍高低六代宮泰離閔宗周也周大夫行

役過故宗廟宮室盡為禾黍閔宗周之顛覆故作是詩 金陵六朝記云吳東晉宋齊梁陳謂之六代 石

燕拂雲晴亦雨湘中記零陵有石燕得風雨則飛翔風雨止還為石江狹吹浪夜

還風緣江居民以江狹出沒為風候英雄一去豪華盡人物志草之精秀者為英獸之

將羣者為雄張良為英韓信為雄梁庾信詩金穴盛豪華唯有青山似洛中建康山川與洛

陽相似李白詩云山似洛陽多

### 京中閒居寄兩都親友

吳門煙月昔同遊姑蘇八門吳王所立因謂吳門楓葉蘆花並客舟並蒲

浪切聚散有期雲北去浮沈無計水東流一罇酒盡青山

暮千里書迴碧樹秋

文選曹植詩云涼風盪芳氣碧樹先秋落

何處相思不

相見鳳城宮闕楚江樓

郊園秋日寄洛中故人

楚水西來天際流感時傷別思悠悠一罇酒盡青山暮

千里書迴碧樹秋

見前注

日落遠波驚宿雁風吹輕浪起

眠鷗嵩陽親友誰相念潘岳閒居欲白頭

晉潘岳字安仁有閒居賦

卧病

寒牕燈盡月斜暉  
珮馬朝天獨掩扉

珮馬指紳所乘之馬杜詩汝陽三斗

始朝天

清露已彫秦  
甸柳白雲應長越  
山薇病中送客難

為別夢裏還家不當歸  
惟有寄書書未得  
卧聞燕雁向

南飛

### 登洛陽故城

禾黍離離半野蒿

國風黍離已見前注

昔人城此豈知勞  
水聲東

去市朝變

詩云高岸為谷深谷為陵

山勢北來宮殿高  
鴉噪暮雲歸

古堞雁迷寒雨下  
空壕可憐緱嶺登  
仙子猶自吹笙醉

碧桃

已見送蕭處士  
歸維山別業注

傷虞將軍

自昔從軍未有名近將孤劍到江城  
已童戍久能蕃語

胡馬調多解漢行對月夜窮黃石畧

漢黃石公  
有三畧

望雲秋

計黑山程

黑山北方  
山名也

可憐身死家猶遠汴水東流無哭

聲

竹林寺與德玄別

騷人吟罷起鄉愁

楚屈原作離騷故曰騷人

暗覺年光似水流花滿

楚城傷遠別蟬鳴蕭寺喜同遊

梁武帝姓蕭好佛創寺命蕭子雲飛白大書一

蕭字唐李約見之破產買歸建一小室玩之號為蕭齋

前山日落松杉晚深夜風

清枕簟秋明日分襟又何處江南江北路悠悠

晉趙景真與楷

生書云悠悠三十路難陟矣

嘗與故宋補闕秋夕游練湖南亭今復登賞愴

然有感

西風渺渺月連天同醉蘭舟未十年

任昉述異記曰木蘭川在潯陽江中

多木蘭樹昔吳王闔廬樹之用構宮殿魯般因刻為舟詩家所用正出此鵬鳥賦成人已歿

前漢賈誼謫居長沙有鵬鳥入誼舍中誼忌之乃為賦以自廣云

嘉魚詩在世空傳

詩小

雅南有嘉魚樂有賢也

榮枯盡寄浮雲外哀樂猶驚逝水前

杜詩會合

苦不及哀樂本相纏杜詩黃衫年少來宜數

論語逝者如斯夫不見堂前東逝波

日暮長堤

更回首一聲鄰笛舊山川

晉書向秀鄰人有吹笛者發聲寥亮追昔嵇生舊遊之好

感音而嘆作思舊賦云

### 登尉陀樓

劉項持兵鹿未窮

漢蒯通曰秦失其鹿天下共逐之

自垂黃屋島夷中

書禹貢島夷卉服

南來作尉任勗力北向稱臣陸賈功

尉陀姓趙真定



人秦時為龍川令南海尉任囂病且死召陀曰今豪傑  
叛秦相立南海地方數千里此亦一州之主也即授陀  
書行南海尉事囂死自立為南粵武王高后時僭號南  
越武帝乘黃屋左纛稱制文帝遣太中大夫陸賈賜陀  
復南粵王號遂稱臣去其黃屋左纛簫鼓尚陳今世廟旌旗猶鎮昔時宮  
越人未必知虞舜一奏薰絃萬古風舜彈五絃之琴以歌南風歌曰南風  
之薰兮可以解吾民之愠兮南風之時兮可以阜吾民  
之財兮詩意南粵人惟知祀尉陀豈知虞舜之德澤及  
於萬世乎

### 題崔處士山莊

坐窮今古掩書堂

考經史也

二頃湖田一半荒  
荆樹有花兄

弟樂

續齊諧記京兆人田真兄弟三人共分財各居堂前有紫荆花一夕枯真見之驚曰本同株當分析

便憔悴況人兄弟乎

橘林無實子孫忙

李衡為丹陽太守於武陵龍陽

洲上作宅種橘千頭臨死敕兒曰吾有千頭木奴不責汝衣食歲一疋亦足用矣

龍歸曉洞雲

猶濕

周易雲從龍風從虎

麝過春山草自香  
向夜欲歸心萬里故

園松月更蒼蒼

### 凌歊臺送韋秀才

雲起高臺日未沈  
數村殘照半山陰  
野蠶成繭桑柘盡

溪鳥引雛蒲稗深

謝靈運湖中詩蒲稗相因依

帆勢依依投極浦  
鐘

聲杳杳隔前林故鄉迢遞故人去一夜月明千里心

謝宋

莊月賦云美人邁兮信音絕隔千里兮共明月

### 送南院盧判官罷職歸華陰山居

曾事劉琨雁塞空

晉惠帝光熙元年十月太傅越表劉琨為并州刺史并州有雁門近胡故

曰雁塞

十年書劍任飄蓬

曹子建云轉蓬離本根飄飄隨長風

東堂舊屈移

山志

後秦姚興聽政之暇引姜龕等於東堂講論道藝唐李元紘為雍州司戶參軍時太平公主勢振

天下有司望風順旨與民爭碾磑元紘判還之民長史竇懷真趨改之元紘大署判後曰南山可移判不可搖

遂改作

南國新留煮海功

左傳成十六年南國蹠射其元王中厥目前漢鼂錯傳

好時令

唐詩鼓吹

子

曰吳王即山鑄錢煮海為鹽

還掛一帆青草上

比范蠡青草湖名

更開三徑

碧蓮中

比蔣詡華嶽世謂之蓮華峯

關西親友如相問已許滄浪作

釣翁

孟子滄浪之水清兮可以濯我纓

題四皓廟

四皓謂東園公綺里李夏黃公角里先生

桂香松暖廟門開獨瀉椒漿奠一杯

離騷云奠桂酒兮椒漿

秦法

未興鴻已去

商鞅變秦法鴻飛冥冥弋者何慕焉

楊子法言

漢儲將廢鳳還

來

高祖將易太子呂后用留侯計召四皓至高祖顧謂戚夫人曰羽翼成矣太子位遂定太子即惠帝也

紫芝翳翳多青草

四皓歌曰漠漠高山深谷逶迤暄暄紫芝可以療飢唐虞世遠吾將安歸

駟馬高蓋其憂甚大富貴之白石蒼蒼半綠苔毛詩揚畏人兮曾不如貧賤之肆志之水曰

白石鑿鑿山下驛塵南竄路不知冠蓋幾人迴唐都京兆流人

逐客南行路出商山之下  
故云 兩都賦冠蓋如雲

淮陰阻風寄呈楚州韋中丞

楚州今淮安路也

垂釣荆江欲白頭江魚堪釣却西遊劉伶臺下稻花晚

淮安志劉伶臺在淮安路山陽縣東北七里臨淮河其南有杜康橋韓信廟前楓葉秋淮安

志韓王莊在淮陰縣東北與廟相連西接八里莊韓信實生於此淮月未明先倚檻海

雲初起更維舟海雲起必有大風詩汎汎揚舟河橋風惡故繫舟而待也

有酒無人醉，獨上高城望庾樓。

梁蕭子暉遊春云：上林看草色，河橋望日暉。

庾樓在江州治後，庾亮領江州刺史，故名。望庾樓言望中丞也。

祇命南海至廬陵，逢表兄軍倅，奏使淮海別後。

却寄

盧橘花香拂釣磯。

上林賦：盧橘夏熟。即枇杷也。

唐庚子西李氏山園記：枇杷盧橘一也。

佳人猶舞越羅衣。

李賀云：越羅衫袂迎春風。

三州水淺魚來少。

三州丹徒

丹陽金壇也。

五嶺山高雁到稀。

五嶺大庾始安臨賀桂陽揭陽。詩意謂魚雁絕處無音。

書可達也。

客路晚依紅樹宿，鄉關晴望白雲歸。

唐狄梁公登太山反顧見

白雲孤飛曰吾親舍其下瞻  
恨久之許渾居京口故云

交親不念征南史

時渾祗命南海

故一夜風帆去似飛

### 送王總下第歸丹陽

秦橋心斷楚江湄

長安東有灞陵橋

繫馬秋風酒一卮  
汴水月

明東下疾

自秦歸吳路由汴河

練塘花發北來遲  
青蕪定沒安貧

處

論語不患貧而患不安

黃葉應催獻賦詩

漢司馬相如蜀人嘗為子虛賦揚得意侍

武帝誦之帝喜曰朕獨不得與此人同時得意曰臣里人司馬相如所為帝驚召問相如曰然此特諸侯之事不足觀請為天子遊獵之賦獻之  
時揚子雲亦獻羽獵長楊等賦  
憑寄家書問迴報舊

居還有故人知

渾居丹陽故憑寄書待  
八月赴舉時問迴報也

### 懷舊居

兵書一篋老無功故國荆扉在夢中

文選沈休文詩云  
權離疎復密荆扉

新目

故藤蔓覆黎張谷暗

洛陽北邙張公夏黎海內惟一

樹潘岳賦云張公大谷之黎

草茆侵菊庾園空

茆音蓬  
後漢李膺字元禮名高少所交接

暖林泉十畝之宅山地居其半也

朱門迹忝登龍客

故士被其容接者名為登龍門

白

屋心期失馬翁

劉向說苑周公旦白屋之士所下者七  
十人天下之士皆至淮南子塞上人

其馬亡入胡人弔之父曰此何詎不為福數月其馬將  
胡駿馬而歸人賀之父曰此何詎不為禍家富馬良其



子好騎墮而折髀人皆吊之又曰此何詎不為福居一  
年胡夷大出丁壯者皆控弦而戰塞上之人死者十八  
九此子獨以跛放故父子得相保 楚水吳山何處是北牕殘月照屏風

與韓鄭二秀才同舟東下洛中親朋送至景雲

### 亭下

三十六峯同一川

河南嵩山三十六峯

綠陂無路草芊芊牛羊晚

食鋪平地鵝鵲晴飛磨遠天洛客盡迴臨水寺楚人皆  
處下江船東西未有相逢日更逐繁華共醉眠

秋日候扇

唐百官志尚輦局大朝會大祭祀皆扇一百五十六既事而藏之常朝則

去扇左右留者止三扇耳 扇以障  
塵秋日早朝候扇出則君視朝也

宵衣應待絕更籌

前漢文帝未明求衣 唐書太

環珮

珊珊月下樓

杜詩時聞雜珮聲珊珊

井轉轆轤千樹曉門開閭闔

萬山秋

天子門曰閭闔唐玄宗每遊幸從閭闔門出

龍旗盡引趨金殿雉扇

纔分拜玉旒

崔豹古今注曰殷高宗以雉雒之徵服章多用翟故曰雉尾扇 禮記天子玉藻十

有二旒 虛戴鐵冠無事日

御史法冠一名柱後一名獬廌以鐵為柱言其審固而不撓也

滄江歸去老漁舟

灞上逢元九處士東歸

瘦馬頻嘶瀟水寒瀟南高處望長安

王粲詩南登瀟陵岸回首望長安

何人更結王生韉

前漢王生處士善黃老學時張釋之為廷尉公卿會廷中王生曰吾韉解

顧謂釋之為我結韉釋之跪而結之人或譏王生生日廷尉名臣故以此重之耳

此客空彈貢

禹冠

前漢王陽與貢禹為友世稱王陽在位貢禹彈冠言其趨舍同也

江上蟹螯沙渺

渺塢中蝸殼雪漫漫舊交已盡新知少却伴漁郎把釣

竿

詩意言大夫不遇于世不如伴漁人適意江湖食魚蟹而已

### 經故丁補闕山居

死酬知己道終全波暖孤冰且自堅

詩意謂補闕忠貞之節不隨俗俯仰

終身無鵬上承塵纔幾日西京雜記賈誼為長沙王鶴傳一日鵬集其承塵而鳴

歸華表已千年續搜神記遼東城門華表柱有一白鶴集其上言曰有鳥有鳥丁令威去家千

歲今來歸城郭如故人民非何風吹藥蔓迷樵徑水暗不學仙冢累累遂沖天而去

蘆花失釣船四尺孤墳何處是闔閭城外草連天吳王名闔

問

# 題衛將軍廟并序

將軍名述陽羨人少習詩書學劍二十七遊并汾間神堯皇帝始建義旗述以勇藝進備行列洎擒竇建德述時扶鎗劍前突後翼太宗顧而奇之天下既定錄其功拜將軍宿衛

以母老且病乞歸侍殘年辭官哀激詔許之  
既而以孝敬睦閨門以然諾居鄉里及卒邑  
人懷其賢廟於荆溪之涓以平生弓甲懸東  
西廡下歲時祠祭頗福其上焉文士王教撰  
碑辭寔詳備而國史闕書其人因  
題其詩於廟壁 高祖謚神堯

武牢關下護龍旗

周穆王養虎於此故名虎牢避唐高祖父諱改武牢

挾槩彎弧

馬上飛

前漢李廣號飛將軍

漢業未興王霸在

漢光武為大司馬王霸為功曹令也

王郎反光武渡滹沱河候吏還曰無船不可渡光武令  
霸視之霸詭曰冰堅可渡光武喜曰候吏果妄語也渡  
未畢數騎而冰解光武謂霸曰吾眾得免卿之力也  
因謂其屬曰王霸以權濟事殆天瑞也

秦兵將

散魯連歸

史記魯連齊人也好高節不肯仕遊於趙時秦圍趙魏使新垣衍相趙欲趙帝秦魯連見

衍言帝秦之害遂却垣衍秦聞之却軍五十里趙平原  
君以千金為魯連壽魯連笑曰所貴天下士者為人排  
患釋難而無取也遂辭平原君而去墳穿大澤埋金劍廟枕長流掛鐵衣  
古木蘭詞曰朔氣傳金柝寒光照鐵衣欲奠忠魂何處問葦花風葉雨霏  
霏

### 村舍

自翦青簑織雨衣村南煙火是柴扉糟妻早報蒸梨熟  
漢光武妹湖陽公主新寡帝謂宋弘曰貴易交富易妻  
人情乎弘曰臣聞貧賤之交不可忘糟糠之妻不下堂  
帝謂主曰事不諧矣家語曾童子遙迎種豈歸漢楊惲書曰種  
子之妻以蒸梨不熟因出之

一頃豈落而為其

魚下碧潭當鏡躍鳥還青嶂拂屏飛花時未

免人來往欲買嚴光舊釣磯

漢嚴光字子陵少與光武同遊學及光武即位乃隱

而不見帝思其賢令以物色訪之後齊國上言有一男子披羊裘釣澤中帝乃備安車玄纁聘之

### 李宣自殿院銜命歸闕拜外郎

白筆南征變二毛

魏明帝燕羣臣問辛毗簪白筆者何官毗曰此謂御史簪筆以奏不法也

離騷濟沅江以南征曰君子不擒二毛二毛者髮半白也

左傳宋襄公

越山愁瘴海驚

濤纔歸龍尾含雞舌

龍尾宮中道雞舌丁香也漢侍中刁存年耆口臭上出雞舌香使

含之香頗辛螫不敢嚙疑賜毒藥與家人訣眾求視其藥及口香眾笑之存鄙儒則弊於此矣更立螭

頭運兔毫

唐書太和九年十二月左右省起居郎齋筆硯及紙於螭頭下記言記事

閭闔欲

開宮漏盡

閭闔見前注

冕旒初坐御香高金吾舊侶君先貴

漢光武嘆曰仕宦當為執金吾杜詩云醉歸應犯夜可怕李金吾

曾憶王祥與佩刀

書

徐州刺史呂虔檄王祥為別駕有佩刀工者相之以為三公之器虔謂祥曰卿有公輔之量故以相與祥位至太保祥臨薨以刀授弟覽曰汝後必興足稱此刀後覽果興於江左矣

### 八月十五夜宿鶴林寺翫月

待月東林月正圓

晉武帝為惠遠法師建道場於江州廬山有東林西林

廣庭無

樹草無煙中秋雲淨出滄海半夜露寒當碧天輪影漸



移金殿外鏡光猶掛畫樓前  
莫辭達曙殷勤望一墮西  
巖又隔年

秋晚雲陽驛西亭蓮池

心憶蓮塘秉燭遊

古詩晝短苦夜長何不秉燭遊

葉殘花散尚維舟  
煙

開翠扇清風曉水泛紅衣白露秋

翠扇比荷紅衣比蓮

神女暫來

雲易散

襄陽耆舊傳楚襄王遊於高唐怠而晝寢夢一婦人曰我帝之女名瑤姬未行而亡封於巫山

之臺乃辭去曰妾在巫山之陽高丘之岨朝為行云暮為行雨比旦視之如其言乃立廟名朝雲

仙娥

終去月難留

羿得不死之藥於西王母姮娥得之以奔月是為蟾蜍此聯模寫雲月故用極妙

空懷遠道無持贈

古樂府遠道不可思夙昔夢見之陶弘景詩山中何所有嶺上多白雲

只可自怡悅不堪持贈君醉倚西欄盡日愁

晚自朝臺津至韋隱居郊園

朝音潮亦名越王臺

秋來鳬雁下方塘

宋玉九辨云鳬雁皆唼夫梁藻兮鳳翔而高舉

繫馬朝臺

步夕陽

裴淵廣州記曰尉陀築臺以朝漢室圓基千步直峭百丈螺道登進頂上三畝朔望升拜號為

朝臺村逕遶山松葉滑柴門臨水稻花香雲連海氣琴書

潤風帶潮聲枕簟涼西去磻溪猶萬里

尚書大傳曰呂望釣於磻溪得

魚腹中有玉璜

可能垂白待文王

史記呂尚東海上人也本姓姜從其封曰呂尚嘗窮年老

魚釣於周西伯將出獵卜之曰所獲非龍非虎非語非  
羆所獲霸王之輔於是西伯獵果遇太公於渭陽與語  
大悅曰自吾先君太公曰當有聖人適周周以興子真  
是耶吾太公望子久矣因號曰太公望共載與俱歸立  
為師指韋  
隱居也

唐詩鼓吹卷一

欽定四庫全書

唐詩鼓吹卷二

元 郝天挺 註

薛逢

字陶臣蒲州人會昌元年進士調萬年尉崔鉉入相引直弘文館歷侍御史有薦逢知制誥者

適劉瑑當國忌之乃出為巴州刺史稍遷秘書監卒有文集行於世

開元後樂

莫奏開元舊樂章樂中歌曲斷人腸邠王玉笛三更咽

百斛明珠云明皇舊置五王帳長枕大被與兄弟同處無何妃子輒竊寧王玉笛吹故張祐詩云梨花院靜無

人見閑把寧王玉笛吹  
五王謂邠寧申岐薛也

號國金車十里香

號國夫人承主恩平

明上馬入宮門却嫌脂粉浣顏色淡  
掃蛾眉朝至尊此言楊氏五家侈

一自犬戎生薊北

史記周幽王寵褒如戲火於驪山  
為犬戎所殺詩意犬戎謂祿山也

便從征戰老汾陽

郭子

儀有功封  
為汾陽王

中原駿馬搜求盡沙苑年來草又芳

沙苑在同州馮

翊縣南唐以  
來牧馬之地

### 長安夜雨

滯雨通宵又徹明百憂如草雨中生

文選張景陽詩云歲暮懷百憂將從

季王卜  
生之後逢此百憂

毛詩我

心關桂玉天難曉

蘇秦謂楚王曰楚國之食貴於玉薪

貴於桂人云  
食玉炊桂

運落風波夢亦驚  
壓樹早鴉飛不散到牕

寒鼓濕無聲當年志氣俱消盡  
白髮新添四五莖

### 長安春日

窮途日日困泥沙

晉書阮籍常率意獨駕不由  
運車轍所窮輒慟哭而返

上苑年

年好物華荊棘不當車馬道  
管絃長奏綺羅家

前漢張禹傳云

後堂列絲竹管絃

王孫草上悠揚蝶

楚詞王孫遊兮不歸  
春草生兮萋萋

少女風

前爛熳花

庾信傷心賦云風無少女草不宜男

嬾出任從遊子笑入門還

是舊生涯

莊子吾生也有涯

宮詞

十二樓中盡曉粧望仙樓上望君王

漢公孫卿言仙人好樓居黃帝為十

二樓以候神人武帝於是起飛廉觀望仙樓唐德宗貞元十二年戶部尚書裴延齡奉敕修望仙樓鎖

銜金獸連環冷水滴銅龍晝漏長

初學記殷夔漏刻法曰為器三重門皆選

尺差立於方輿踰蹠之上為金龍口吐水轉注入踰蹠經緯之中張衡漏水渾天儀制曰以銅為器再疊差

置寔以清水下各開孔以玉虬吐漏水入兩壺右為夜漏左為晝漏門皆三尺考初學記作圓皆三尺杜

詩晝漏稀聞高閣報天顏有喜近臣知雲髻罷梳還對鏡羅衣欲換更添

香遙窺正殿簾開處袍袴宮人掃御床



# 漢武宮詞

漢武清齋夜築壇自斟明水醺仙官

壇之名肇見於書而詳記於禮書止

曰為三壇同禪禮則曰去廟為桃去桃為壇去壇為禪去壇為鬼則壇築上而不屋不言其成名也至漢武葬

李夫人為臺三成好事者謂帝惑方士習仙其上禮記明水注司烜以陰鑑所取於月之水也韓吏部詩

曰上界仙殿前玉女移書案雲際金人捧露盤

漢武帝制承露

人足官府盤金莖銅柱上有仙人掌承露和玉屑飲之

絳節幾時還入夢

杜詩云上帝高居絳節朝

碧桃何處更驂鸞

尹喜內傳曰老子西遊省太真王母共食碧桃紫梨武帝外傳元封元

年王母降帝宮乘紫雲之輦駕九色班麟從官執綵旄之節母升殿東向坐以玉盤盛桃七顆其色青白羽

經曰太真丈人登白鸞之車遊於九原詩茂陵煙雨  
意謂武帝信方士學仙形於夢寐惑之甚矣

埋弓劍石馬無聲蔓草寒武帝陵曰茂陵太白詩曰鼎

弓劍茂陵前有石馬在焉又詩云野有蔓草註君澤不下流民窮於兵革也以武帝窮兵黷武故云

### 送靈州田尚書

陰風獵獵滿旗竿白草颼颼劍戟攢九姓羌渾隨漢節

唐書九姓羌中吐谷渾別自為一部落別羌大小部落  
八皆不相統一細封氏費聽氏往利氏頗超氏野辭氏  
房當氏米擒氏拓拔氏唐書張說為天平軍大使朔  
方大使王晙誅河曲降虜阿不思也九姓同羅拔野固  
等皆疑懼說持節從輕騎直指其部宿帳  
下召見虜中豪酋等安慰之九姓遂安  
六州蕃落從

戎鞍

唐書銀州夏州石州會州河州靈州唐書柳公綽為河東節度使有沙陀部武勇為九姓六州所

畏公召其酋朱耶執宜及妻母令夫飲食問遺沙陀感恩悉力保障

霜中入塞調弓硬

月下翻營玉帳寒今日路傍誰不指穰苴門戶慣登壇

史記田穰苴為司馬有司馬兵法其法春蒐秋獮振旅治兵九禁之法前漢高祖築壇拜韓信為大將

### 獵騎

兵印長封入衛稀碧空雲盡早霜微澹川桑落鵬初下

渭曲未收兔正肥

澹川渭曲皆屬京兆

陌上管絃清似語草頭弓

馬疾如飛豈知萬里黃雲戍血迸金瘡卧鐵衣

六義中為風也

韋壽博書齋

玄晏先生已白頭

晉皇甫謐字士安修身篤學舉孝廉不就景元初相國辟復不行鄉人勸

令應命謐為釋勸論以通言焉卒詔謐為玄晏先生

不隨鵠鷺狎羣鷗

唐高宗以參軍韋絢

為殿中侍御史或疑非遷上官儀曰御史供奉墀下接武夔龍蓬羽鵠鷺豈雍州判佐比邪

列子海上人好

鷗鳥每旦至海上從鷗鳥遊其父曰吾聞鷗鳥皆從子遊汝取來吾玩之明日之海上鷗鳥翔舞而不下元

卿謝免開三選

嵇康高士傳蔣詡字元卿杜陵人為兗州刺史王莽為宰衡詡奏事到灞上稱

病不進歸杜陵荆棘塞門舍中三選終身不出時人諺曰楚國二龔不如杜陵蔣翁

平仲朝歸卧

一棗

朝音潮齊晏子字平仲為齊大夫禮記檀弓有若曰晏子一狐裘三十年

醉後獨知

殷甲子

陶潛以曾祖侃晉世宰相恥屈身後代自宋武王業漸隆不復肯仕所著文章皆書年月義熙

以前明書晉氏年號宋永初以後惟書古甲子而已

病來猶作晉春秋

晉褚裒字季野康獻

皇后父也少有簡貴之風與京兆杜義俱有盛名桓彝見而目之曰季野有皮裏春秋言其外無臧否而內有

所褒也

塵纓未濯今如此

濯纓見前註

野水無情處處流

此薛逢自

傷也

### 金城宮

憶昔明皇初御天

易時乘六龍以御天

玉輿頻此駐神仙龍盤藻

井噴紅艷

張平子西京賦云蒂倒茄於藻井註當棟中交木方為之如井幹也茄藕莖也風俗通曰

殿堂像東井形刻荷菱水物所以厭火也王延壽魯靈  
先殿賦曰圓淵方井反植荷蕖綠房紫的咄咄垂珠

獸坐金床吐碧煙

晉禮儀大朝會即鎮宮階以金鍛九尺麒麟大爐

雲外笙歌

岐薛醉

睿宗景龍三年二月丙子朔岐王隆範為月左衛率右羽林大將軍薛王隆業為右衛率

中臺榭后妃眠自從戎馬生河洛

安史之亂也

深鎖蓬萊一

百年

蓬萊宮名

驚秋

露竹風蟬昨夜秋百年心事付東流明霜義分成虛語

來淑微曹子建白馬篇云五侯競書幣 韋公亟為言分義明於霜信行直於弦 阜俗文章惜暗

投

杜甫策問曰夫穀者所以阜俗康時聚人守位者也  
鄒陽傳曰隋侯之珠夜光之璧以暗投人必按劍

相盼明霜分義言潔白阜俗文章言其文可厚風俗

初逢與彭城劉球交逢常易之遂相怨會球當國有薦

逢者球撰言先朝以兩省官給事舍人先治州縣乃得

除知制誥遂出為已州刺史而楊收王鐸同牒署第及

收輔政逢有詩微辭譏訕及鐸為相逢又

以此詩言鐸鐸怒故不見齒卒於簿書  
長笑李斯稱

溷鼠

李斯上蔡人為郡小吏見吏舍廁中鼠食不潔近  
人犬數驚恐之人倉中鼠居大廡之下不見人犬

之憂乃嘆曰人之有賢不肖在所  
自處耳乃從荀卿學帝王之術也  
每多莊叟喻犧牛  
莊

蒙人楚威王聞其賢厚幣迎之欲以為相周笑曰子不  
見郊社之犧牛乎養之數年衣以文綉以入太廟當是

之時欲為孤  
五湖煙水盈歸夢蘆荻花中一釣舟  
先賢傳勾

踐滅吳謂范蠡曰吾將與子分國而有之蠡曰君行令臣行意乃乘扁舟浮五湖終不返  
逢志不遂故有此

耶語

### 潼關河亭

重岡如抱嶽如蹲

蹲音存踞也嶽即華嶽也

氣盛秦川勢自尊天地

併功開帝宅山河相湊東龍門

陳後主詩日月光天德山河壯帝居絳州有

龍門大河經焉流湍峻急凡魚能上者化為龍

櫓聲嘔軋中流渡柳色微茫遠

岸村

李白惜餘春賦云試登高而望遠兮極雲海之微茫

滿眼波濤終古事年來

惆悵與誰論



送衢州崔員外

衢州即信安縣

笑分銅虎別京師

漢置郡國將置銅虎符竹使符發兵至郡符合乃發兵右留京師左與之

守

文選范尚書讓侯表云分虎出公羊傳曰京師者何衆大也

嶺下山川想到時紅

樹暗藏殷浩宅

晉殷浩中軍將軍假節都督楊豫徐兗青五州軍事北征許洛為符秦所敗桓

溫上書罪浩廢為庶人死於東陽信安縣

綠蘿深覆偃王祠

史記徐偃王伯翳之後名誕君

國子民一出於仁義偃王死民思之鑿石為室以祠偃王後因廟焉在信安縣南七十里靈山下唐韓愈撰碑

文風茅向暖抽書帶

三齊畧記鄭玄註詩蠻山今有古井不竭猶有細草葉形似韭長尺

餘俗稱鄭玄書帶草

露竹迎風舞釣絲

竹品有垂絲竹

休指巖西數歸日

知君已負白雲期

陶弘景詩山中何所有嶺上多白雲

### 六街塵

六街塵起鼓鼙鼙

雍洛靈異小錄唐馬周上言令金吾每街懸鼓夜擊止其行李以備竊盜

時人遂呼為鼙鼙鼓也道士裴脩戲為詩曰遮莫鼙鼓須傾滿滿盃金吾若相問報道玉山頽

馬足

車輪在處通百役並驅衣食內四民長走路岐中

春秋四民

均則王道興而百姓寧所謂四民者士農工商也

年光與物隨流水世事如花

落曉風名利到身無了日不知今古旋成空

### 潼關驛亭

河上關門日日開古今名利旋堪哀終軍壯節埋黃土

前漢終軍入關關吏與軍繡軍問此何為吏曰為復傳還當以此合符軍曰大丈夫西遊終不復傳還棄繡而去時年十八選為博士上書願授長纆必羈南越王而致之闕下遂至越越王聽許請舉國內屬越相呂嘉不欲攻殺其王及終軍漢使者軍楊震豐碑翳綠苔

楊震字伯

起弘農華陰人安帝時為太尉上書切至帝不能平因河間趙騰上書指陳得失帝怒遂收考詔獄詰以罔上不道震復救之遂收震太尉印綬遣歸本郡行至城西飲鵠而死詔以禮葬於華陰潼亭今有碑存寸祿

應知霜有分一官常懼處非才

晉書東海王越薨眾推王衍為元帥衍不敢當

曰吾少無宦情隨牒推移遂至於猶驚往歲同袍者

毛詩

欽定四庫全書

人

唐詩鼓吹

八

豈曰無衣與子同袍

尚逐江東計吏來

前漢朱買臣隨計吏為卒將重車至長安

### 五峯隱者

煙霞壁立水溶溶路轉崖回旦暮中  
鷗鷺畏人沈澗月

山羊投石掛巖松高齋既許陪雲宿

杜工部在蜀作草堂在夔起高齋處

焉晚稻何妨為客舂今日見君嘉遯處

易遯卦九五嘉遯貞吉象曰嘉

遯貞吉以正志也

悔將名利役疎慵

### 上吏部崔相公

龍門曾共戰驚瀾

交州記龍門水深魚上者為龍不能上者點額也

雷電浮雲

出濬湍

詩意謂憑藉雲雷出濬湍而化龍也喻登第

紫府有名同羽化

指崔吏部

三元品成經曰勤感累世念真期靈王鑒其用思著名玉札於是細書紫宮東華之閣故曰紫府

楚詞仰

羽人於丹邱留不死之舊鄉白孔六帖云銀宮金闕紫府清都道士飛昇謂之羽化

碧霄無伴

却泥蟠

逢自謂也班孟堅答賓戲曰故夫泥蟠而天飛者應龍之神也時暗而名彰者君子之真也

張籍行路難龍蟠泥中未有雲不能生彼昇雲翼

公車未結王生鞵

漢官儀公車司馬令

周官也秩八百石掌諸上書詣闕下者王生鞵見前注

客路虛彈貢禹冠

貢禹冠見前注

今日鑪錘任真宰

莊子大宗師篇黃帝之忘其知皆在鑪錘之間注云聞道忘其所務如世

間器物假於鑪冶打鍛以成其用也莊子齊物若有真宰而特不得其朕注真宰造物也

暫迴風

水不應難

詩意望崔公薦之耳

### 悼古

細推今古事堪愁貴賤同歸土一丘漢武玉堂人豈在

漢武故事云玉堂去地十二丈階基皆用玉故東京賦曰金華玉堂白虎麒麟范曄後漢書曰獻帝初平三年復修武帝玉堂殿石家金谷水空流

晉書石崇有金谷園

光陰自旦還將

暮草木從春又到秋閑事與時俱不了且將身暫醉鄉

遊

王績有醉鄉記

### 九華觀廢月池

曾發簫聲水檻前

曹子建與吳質書云若夫觴酌凌波於前簫笳發音於後足下鷹揚其體

鳳翔虎視

夜蟾寒沼雨嬋娟微波有恨終歸海明月無情却

上天白鳥帶將林外雪綠荷枯盡渚中蓮榮華不肯人

間住須讀莊生第一篇

莊子第一篇名逍遙遊

八月一日駕幸延喜樓看冠帶降戎

長安志唐皇城東面

二門北曰延喜門唐書宣宗大中三年八月上御延喜門見河隴老幼十餘人賜以冠帶皆

歡呼舞蹈呼萬歲

城頭旭日照欄杆

纂要云日初出曰旭日人詩嘒嘒鳴雁旭日始旦

城下降戎

綵仗攢九陌塵埃千騎合萬方臣妾一聲歡

論語萬方有罪罪在

躬樓臺乍仰中天易

左太冲魏都賦樹中天之華闕注高及半天也

衣服初迴

左衽難

論語微管仲吾其被髮左衽矣

清水莫教波浪濁從今赤嶺屬

長安

唐書清水縣屬秦州通吐蕃道赤嶺屬吐蕃

唐書玄宗開元二十一年金城公主請立碑於赤嶺

分唐與吐蕃之境

### 送劉郎中牧杭州

一州橫制浙江灣臺榭參差積翠間樓下潮迴滄海浪

杭州城東有海門故云

枕前雲起剡溪山

剡溪即子猷訪戴安道之地

吳江水



色連隄濶越俗春聲隔岸還

浙江分吳越之境

聖代牧人無遠

近好將能事濟清閑

易繫辭曰觸類而長之天下之能事畢矣

### 貧女吟

殘妝滿面淚闌干幾許幽情欲話難  
雲髻懶梳愁拆鳳翠蛾羞照恐驚鷺  
南鄰送女初鳴珮北里迎妻已夢蘭

左傳鄭文公賤妾燕姑夢天使與己蘭曰是為而子惟既而文公與之蘭而御之曰幸妾有子敢徵蘭乎

有深閨顚顚質年年長凭繡床看

### 夜宴觀妓

欽定四庫全書

卷二

燈火熒煌醉客豪捲簾羅綺艷仙桃纖腰怕束金蟬斷

言腰如蟬之細也

鬢髮宜簪白燕高

毛詩鬢髮如雲漢武帝得白燕玉釵以賜

洞冥記

趙婕妤好至昭帝宮人謀碎之明日視匣中見釵化白燕沖天而去

愁傍翠蛾深八字

杜詩

越女紅裙濕燕姬翠黛愁

笑迴丹臉利雙刀

韓詩妙妓蹈筵舞星眸明劍戟

無因得

薦陽臺夢

陽臺見前注

願拂餘香到緼袍

論語衣敝緼袍與衣狐貉者立

韓偓

字致堯京兆人龍紀元年擢第後王溥薦為翰林學士遷中書舍人從幸鳳翔進兵部侍郎翰林學士

林承旨朱全忠惡之乃構禍貶濮州司馬天祐中復召翰林學士偓不敢入朝挈其家南依王審知而卒

號玉山樵人有集傳於世

中秋禁直

星斗疎明禁漏殘紫泥封後獨憑欄

後漢皇帝六璽皆以武都紫泥封之

白囊素裏兩端無縫尺一版中約署皇帝

露和王屑金盤冷

見武帝宮詞注

月射珠

光貝闕寒

離騷九歌魚鱗屋兮龍堂紫貝闕兮珠宮

天視樓臺歸苑外風吹

歌管下雲端長卿只為長門賦未識君臣際會難

漢武帝陳

皇后以黃金百斤為相如文君取酒因乞解愁悲之辭相如為長門賦以諷上

寄湖南從事

索莫襟懷酒半醒  
無人一為解  
餘醒岸頭柳色春將盡

船背雨聲天欲明去國正悲同旅雁隔江可忍更啼鶯

蓮花幕下風流客

晉王儉以庾果之為長史與書曰庾果之泛綠水依芙蓉何其麗也時人

以儉府為蓮花池

試與溫存譴逐情

### 避地寒食

避地淹留已自悲況逢寒食欲霑衣濃春孤館人愁坐

斜日空園花亂飛路辱漸憂知己薄

仲於知己屈於不知己

時危

又與賞心違一名所繫無窮事爭敢當年便息機

杜詩迴首

風塵甘  
息機

途中經野塘

世亂他鄉見落梅野塘晴暖獨徘徊船衝水鳥飛還止

袖拂楊花去又來季重舊遊多喪逝

三國志吳質字季重魏文帝與質書

曰昔年疾疫親故罹其災徐陳應劉一時俱逝痛可言耶昔日遊處謂百年可長保數年之間零落殆盡言之傷心頃撰其遺文都為一集觀其姓名已為鬼錄追思昔遊猶在心目而此諸子化為冀壤可復道哉

子

山新賦極悲哀

庾信字子山常有鄉關之思故作哀江南賦以叙其意其序云不無危苦之詞

惟以悲眼看朝市為陵谷

詩曰高岸為陵谷深谷為陵始信昆明有劫

哀為主灰問西域梵人及後竺法蘭至問之蘭曰世界終盡劫

火洞燒此劫  
燒之餘灰也

惜花

皺白離情高處切  
膩紅愁態靜中深  
眼隨片片沿流去  
恨滿枝枝被雨侵  
總得苔遮猶慰意  
便教泥污更傷心  
臨階一盞悲春酒  
明日池塘是綠陰

半醉

水向東流更不迴  
紅顏白髮遞相催  
壯心暗逐高歌盡  
往事空成半醉來  
雲護雁霜籠淡月  
雨憐鶯曉落殘梅

西樓悵望芳菲節處處斜陽草似苔

春盡

惜春連日醉昏昏醒後衣裳見酒痕細水浮花歸別澗  
斷雲含雨入孤村人閑易得芳時恨地迥難招自古魂  
楚宋玉傷屈原為作招魂一篇慚愧流鶯相厚意清晨猶為到西園

三月

辛夷纔謝小桃發

辛夷花名二月開初出如筆北人呼為木筆

踏青過後寒

食前四時最好是三月一去不迴惟少年吳國地遙江

接海漢陵魂斷草連天新愁舊恨知無奈須就鄰家甕

底眠

晉畢卓為吏部郎比舍郎釀熟卓夜至甕間盜飲為掌酒者所縛早視之乃畢吏部也

午睡夢江外兄弟

長夏居閑門不開

梁元帝纂要云夏為長羸即恢台也言夏氣大而育物故云長夏

遶

門青堇絕塵埃

詩堇荼如飴

空庭日午獨眠覺旅夢天涯相

見迴鬢向此時應有雪心從到處即成灰

到處一作別後莊子云

心若死灰

如何水陸三十里幾月書郵始一來

晉殷羨為豫章太守都下

上人因以致書百餘函行次石頭皆投之水中祝曰沈者自沈浮者自浮殷洪喬不能為置書郵



秋郊閑望有感

楓葉微紅近有霜碧雲秋色滿吳鄉魚衝駭浪雪鱗健

鴉閃殘陽金背光心為感恩長慘慼鬢因經亂早蒼浪

白詩鬢髮蒼浪  
牙齒疎注白也可憐廣武山前事楚漢寧教作戰場晉阮

籍嘗登廣武觀楚漢戰處嘆曰  
時無英雄遂使監子成名耶

安貧

天復中車駕幸鳳翔僦以扈從功反正初  
昭宗面許僦為相僦奏云運契中興宜復

用重德鎮風俗因薦右僕射趙崇梁祖在京馳  
入請見具言崇長短昭宗曰趙崇是韓僦所薦  
時僦在側梁祖三叱之奏曰臣不敢與大臣爭  
僦尋出閨中依王審知故有此作山谷云其辭

淒切而不迫可謂不忘其君也

手風慵展八行書

後漢竇章字伯尚好學與馬融崔瑗同好共相推薦融與竇書曰孟陵奴

來賜書見手跡歡喜無量次於面也書維一紙八行行七字

眼暗休尋九局圖

碁圖有九

局

唐王積薪夢青龍吐碁經九部授己其藝頃精後

隨明皇西幸宿山中孤姥之家夜忽聞姑與婦碁密記

止三十六忽聞姑云子北矣吾勝七枰遲明王具禮請問出局盡生平之好姑謂婦曰是子可教因指示殺奪

救應之法曰此已無敵矣出吳叢談記

牕裏日光飛野馬

莊子逍遙篇曰野馬也塵埃也

注野馬春月澤中之遊氣塵埃之細者也

按頭筠管長蒲蘆

爾雅蒲蘆螺贏也注俗呼蠋蠋

音咽翁詩疏似蜂而細腰其色青土蜂取之置空木中或書卷間筆筒中七日化

毛詩疏義曰螟蛉似步屈

成子蒲蘆  
土蜂也

謀身拙為安蛇足

史記陳軫見楚使昭陽曰人有遺一壺酒者舍人相

謂曰酒不足衆飲請畫地為蛇先成者獨飲一人先成舉酒欲飲曰吾更能畫蛇足後成人奪酒飲之曰蛇本

無足有足非蛇也

報國危曾捋虎鬚

莊子盜跖篇孔子說盜跖盜跖不從曰丘所謂無病

而自炙者也疾走料虎頭編虎鬚幾不免於虎口也

舉世可能無默識

音志論語曰默而

識之未知誰復試齊竽

復一作擬三百人東郭先生不知竽濫於三

百人中食祿宣王死文王即位一一聽之先生乃逃去

## 殘春旅舍

旅舍殘春宿雨晴恍然心地憶咸京

秦為咸陽漢為京兆

樹頭蜂

抱花鬚落池面魚吹柳絮行禪伏詩魔歸靜域酒衝愁  
陣出奇兵兩梁免被塵埃汙

漢制秩千石冠兩梁

拂拭朝簪待眼

明

### 贈僧

盡說歸山避世塵幾人終肯別囂氛  
餅添澗水盛將月

衲掛松枝惹得雲三接舊承前席遇

易晉卦象曰康侯用錫馬繁庶晝日

三接也

漢文帝徵賈誼至上方授釐宣室因問鬼神之事誼具道其所以然之故至夜半文帝前席聽之釐

音一靈今用戒香熏

釋氏有定香戒香

相逢莫話金鑾事

韓偓有金

鑒密記

觸撥傷心不忍聞

翫水禽

在湖南醴陵縣時作

兩兩珍禽渺渺溪翠衿紅掌淨無泥

杜詩翠衿渾短盡

向陽眠

處莎成毯踏水飛時浪作梯依倚雕梁輕社燕抑揚金

距笑晨雞

左傳季郇之雞鬬季平子介其雞郇氏為之金距

勸君細認漁翁意

莫遣絙羅悞穩棲

絙羅羅禽之網也

贈易卜崔江處士

白首窮經通秘義

窮一經而皓首

青山養老度危時

孟子太公辟紂曰吾

聞西伯善養老者

門傳組綬身能退

謂簪纓之胄也

家學漁樵迹亦奇

亦一四海盡聞龜筮妙

禮記月令立冬命太史饗龜筮占兆審卦吉凶史記司馬遷有

龜策傳

九霄堪嘆鶴書遲

蕭子良古今策隸文體曰書有鶴頭書詔板所用北山

移文鶴書赴隴

壺中日月將焉用借與閑人試一窺

後漢費長房為汝市

棧市有老翁賣藥挂一壺於肆頭市罷輒入壺中人莫之見惟長房於樓上觀之異焉因往拜翁乃與俱入壺中見玉堂嚴麗旨酒甘肴共飲畢而出曰我神仙之人以過見責今事畢當去耳

### 過臨淮故里

交遊昔歲已凋零第宅今來亦變更舊廟荒涼時享絕

時享絕謂歲時  
祭祀無有也

諸孫饑凍一官成

杜詩云諸孫貧無  
事開舍如荒村

五

湖竟負他年志

五湖見  
前注

百戰空垂異代名  
榮盛幾何流

落久遣人懷抱  
薄浮生

### 傷亂

岸上花根總倒垂  
水中花影幾千枝  
一枝一影寒山裏  
野水野花清露時  
故國幾年猶戰鬪  
異鄉終日見旌旗  
交親流落身羸病  
誰在誰亡兩不知

### 鵲

偏承雨露潤毛衣黑白分明衆所知高處營巢親鳳閣

閣一作闕帝王記云靜時閑語上龍墀閑一作闕化為金

印新祥瑞搜神記張顥為梁相有山鵲飛翔化為圖飛

向銀河舊路岐淮南子七夕鳥鵲填河而渡織女莫怪天涯棲不穩托

身須是萬年枝謝玄暉直省中詩云紫微太清肅彤庭

選何平叔景福殿賦云綴以萬年絳以紫栳注晉武帝

華林園中有萬年樹二十四株江左謂之冬青樹絳離

禁中作



銀臺直北金鑾外

銀臺宮門也唐書天寶初賀知章見李白文嘆曰白謫仙人也言於玄宗

名見金鑾殿有詔供奉翰林

暑雨初晴皓月中惟對松篁聽刻漏

宮中

更箭也

漢宣帝置刻漏賜十郡列卿

更無塵土翳虛空綠香熨齒金盤

果

杜詩況聞內金盤盡在衛霍室

清冷侵肌水殿風

宮中有水殿天子納涼之處也

坐

久忽聞鈴索動玉堂西畔響丁東

田文炳續翰林故事唐李德裕云翰林院

有懸鈴以備警急文字引之以代傳呼也唐李尋傳玉

堂殿名也待詔者直署在其側李尋時待詔黃門故云

久汙玉堂之署又唐制禁署嚴密非本院人雖有公事不敢遽入至於內夫人宣事亦先引鈴每有文書即內

臣立於門外鈴聲動本院小判官出受訖授院使院使授學士

王維

字摩詰太原人開元十九年狀元及第擢左拾遺給事中賊陷京師為所擒維存藥佯瘡祿山

愛其才逼至洛陽供舊職拘於普施寺賊宴凝碧池遣梨園諸工合樂維痛悼賦詩曰萬戶傷心生野煙百官何日再朝天秋槐葉落空宮裏凝碧池頭奏管絃詩聞行在所平賊後授偽官者皆定罪獨維得免仕至尚書右丞卒有集行於世

### 和賈舍人早朝大明宮之作

絳幘雞人報曉籌

漢官儀宮中不畜雞汝南出長鳴雞衛士候於朱雀門外著絳幘專傳雞

唱

漢魏故事軍中傳箭以直更曉籌謂宮中五更初之籌也

尚衣方進翠雲裘

唐制宮中

官有尚衣尚藥尚食皆奉天子者

宋玉風賦曰主人之女翳承日之華被翠雲之裘

九天閭闔

開宮殿

九天數起於一立於三成於五盛於七處於萬

國衣冠拜冕旒

左傳禹會諸侯於塗山執玉帛者萬國冕旒蔡邕獨斷曰漢明帝采尚書皋

陶及周官禮記以定冕制天子冕七寸長一尺二寸繫白珠於其端十二旒三公及諸侯九卿七

才臨仙掌動

仙掌見前注唐都長安東香煙欲傍衮

龍浮

天子服衮龍詩曰衮職有闕惟仲山甫補之書曰予欲觀古人之象日月星辰山龍華蟲作會宗

作服注天子之服也杜詩五聖聯龍衮朝罷須裁

五色詔

北史鄴中記曰石虎詔以珮聲歸向鳳池頭鳳

荀勗為中書監除尚書令勗曰奪我鳳凰池諸君何賀耶

酬郭給事

洞門高閣靄餘暉桃李陰陰柳絮飛禁裏疎鐘官舍晚

省中啼鳥吏人稀

前漢禁中避元帝后父王禁之諱故名省中

晨搖玉佩趨

金殿夕奉天書拜瑣闥

漢制給事黃門之職日暮入對青瑣門拜名曰夕郎青瑣門在

南宮顏師古曰刻為連瑣文而青塗也唐書郭承嘏為給事中太宗開成元年出為華州刺史詔下給事中

盧戴封還詔書奏曰嘏自居此官繼有封駁能奉其職宜在瑣闥牧守之才易為推擇

強欲從君

無那老

那一作奈將因卧病解朝衣

秋雨輞川莊上

積雨空林煙火遲蒸梨炊黍餉東菑

孟子有童子以黍肉餉

漠漠

水田飛白鷺陰陰夏木嘯黃鸝山中習靜觀朝槿松下

清齋折露葵

文選王褒賢臣頌云霜蓄露葵

野老與人爭席罷

列子黃帝篇楊

朱南之沛至梁而遇老子曰而睢睢而盱盱而誰與居太白若辱盛德若不足楊朱曰敬聞命矣其往也舍者迎將家公執席妻執巾櫛舍者避席煬者避竈其返也舍者與之爭席言同邸之人與之爭席而坐以其遣去矜誇和光混俗故也詩意取此

海鷗何事更相疑

海鷗見前注

### 送楊少府貶柳州

明到衡山與洞庭若為秋月聽猿聲愁看北渚三湘客

楚辭帝子降兮北渚目渺渺兮愁予  
惡說南風五兩輕

寰宇記湘潭湘鄉湘源謂之三湘也  
兩音量淮南子曰若統之候風也許慎曰統候風扇

也楚人謂之五兩郭璞江賦曰輪氣侵於清旭覘五  
兩之動靜注以雞羽為之重八

兩繫於桅竿之顛音利視也青草瘴時過夏口  
廣州記夏

謂之青草瘴秋謂之黃茅瘴鄂州  
夏汭書注水北曰汭亦名夏口  
白頭浪裏出湓城  
漢賈誼謫

即今之長沙不久留才子賈誼何須弔屈平  
為長沙王

傳意不自得及渡湘水為賦以弔屈原云恭承嘉惠兮  
俟罪長沙側聞屈原兮自沈汨羅造託湘流兮敬弔先

生遭世罔極兮過隕  
厥身平屈原字也

勅借岐王九成宮避暑應教

在鳳翔府麟遊縣  
西五里即隋仁壽

宮也 諸王命曰應教天子曰應詔皇后太子曰應旨隋楊素作九成宮乃仁壽宮後以犯隋

文帝諱故改九成宮

帝子遠辭丹鳳闕

帝子即岐王丹鳳宮門名

天書遙借翠微宮

爾雅釋云

山未及上謂之翠微 鄴中記山氣青綠色曰翠微 明皇已幸翠微宮復為王求勝地為創第出白氏六帖

長安城南山中亦有翠微 宮太宗嘗避暑遊宴於此 隔牕雲霧生衣上卷幔山

泉入鏡中

周庾信東宮行兩山銘翠幔朝開 新粧旦起樹入床前山來鏡裏

林下水聲

諠笑語巖前樹色隱房櫳

班婕妤賦曰房櫳虛兮風 冷冷師古曰房櫳疎檻也 仙

家未必能勝此何事吹簫向碧空

吹簫見前注

和太常韋主簿五郎溫泉寓目

漢主離宮接露臺

長安志臨潼縣驪山東南三十里有秦始皇墓露臺祠在焉不齋戒往者

即風雨迷道去露臺祠不遠故曰接露臺也

秦川一半夕陽開

驪山上有夕陽樓在焉

青山盡是朱旗遶碧澗翻從玉殿來新豐樹裏行人度

前漢高祖移豐縣於驪山下故號曰新豐

小苑城邊獵騎迴

前漢蕭望之以不附霍光署小

苑東門候王翁仲曰不肯碌碌反抱關為望之曰各從其志小苑在長安東

聞道甘泉能獻

賦懸知獨有子雲才

前漢揚雄字子雲成帝祠甘泉泰畤還雄上甘泉賦以諷

酌酒與裴迪



酌酒與君君自寬人情翻覆似波瀾

晉陸士衡君子行曰天道夷且簡人

道險而難休咎相乘躡翻覆似波瀾

白首相知猶按劍

前漢鄒陽上梁王書曰有白頭如新

傾蓋如故何則知與不知也又曰明月之珠夜光之璧以暗投人於道路無不按劍相眄者何則無由而至前

也朱門先達笑彈冠

見前注

草色全經細雨濕

杜詩曉看紅濕處花

重錦官城

花枝欲動春風寒世事浮雲何足問

杜詩流水生涯盡浮雲世

事不如高卧且加餐

晉書謝安傳征西將軍桓溫請為司馬朝臣咸送中丞高崧曰卿屢

違朝旨高卧東山諸人每相與言安石不肯出將如蒼生何古飲馬長城窟行云長跪讀素書書中竟何如

上有加餐食下有長相憶

春日與裴迪過新豐里訪呂逸人不遇

桃源面面少風塵

面本集作一向面面誤少一作絕陶潛桃花源記晉大元中武陵人

捕魚為業沿溪行忽逢桃花夾岸遂異之行盡水源得一山有小口入豁然男女衣著悉如外人見漁人驚問

遂還設酒食自云先世避秦亂來此問今是何世住數日辭去柳市南頭訪隱淪

漢書萬章

字子夏長安熾甚街間各有豪俠章在城西柳市號曰柳市萬子夏文選謝靈運詩既枉隱淪者亦棲肥遯

賓到門不敢題凡鳥

晉嵇康與呂安善每一相思千里命駕後安來值康不在嵇喜出戶

延之不入門上題鳳字乃凡鳥也看竹何須問主人

晉王徽之

字子猷時吳中士大夫家有竹欲觀便出與造竹下往來諷嘯良久主人灑掃請坐徽之不顧而去城

外青山如屋裏東家流水入西鄰閉戶著書多歲月

前漢

揚雄閉戶草太玄經又王符著書名潛夫論

種松皆作老龍鱗

高適

適字達夫一字仲武滄州人舉有道授封邱尉後擢諫議大夫出為蜀彭二州刺史遷西川節

度使還為左散騎常侍卒有詩文二十卷傳於世

### 送李少府貶峽中王少府貶長沙

嗟君此別意何如駐馬衡孟問謫居巫峽啼猿數行淚

峽中也

衡陽歸雁幾封書

長沙也

青楓江上秋天遠

長沙有青楓江

白帝城邊古木疎

白帝城在峽中即公孫述所築古夔子國後先主改為永安

聖代

即今多雨露暫時分手莫踟躕

杜詩登兗州城樓云從來多古意臨眺獨踟躕

躊躇

亦作

岑參

南陽人文本之後天寶中進士官至左補闕起居郎累官侍御史退居杜陵山中卒有文集行

世於

### 和賈舍人早朝大明宮

雞鳴紫陌曙光寒鶯轉皇州春色闌金闕曉鐘開萬戶

玉階仙仗擁千官

杜詩仙仗離丹極

花迎劍佩星初落柳拂旌

旗露未乾獨有鳳凰池上客

鳳凰池見前注

陽春一曲和皆難

文選宋玉對楚王問曰客有歌於郢中者始曰下里巴人國中屬而和之者數十人其歌陽春白雪屬而和者不過數十人故其曲彌高而和之者彌寡

張說

說字道濟洛陽人垂拱中舉博學科中第三等進太子校書令遷鳳閣舍人睿宗時兵部侍郎

平章事終左丞相封燕國公有文集並傳於世

### 奉和春日幸望春宮

別館芳菲上苑東飛花澹蕩御筵紅

蕩一作落

城臨渭水天

河靜闕對南山雨露通遶殿流鶯凡幾樹

梁沈約詩開花已匝

樹流鶯復滿枝

當蹊亂蝶許多叢春園既醉心和樂

詩云既醉以酒既飽

德以共識皇恩造化同

幽州新歲作

去歲荆南梅似雪今年薊北雪如梅共知人事何嘗定  
且喜年華去復來邊鎮戍歌連日動京城燎火徹明開

詩庭燎之光

遥遥西向長安日

晉明帝數歲元帝抱置膝前屬長安使來因問汝謂日與

長安孰遠對曰長安近不聞人從日邊來元帝異之明日讌羣臣又問之對曰日近元帝失色曰何乃異間者之言對曰舉頭見日不見長安於是益奇之

願上南山壽一杯

詩小雅天保如月之恆如

日之升如南山之壽不騫不崩

耿漳

漳河東人寶應二年進士為大理司  
法終於左拾遺有詩二卷傳於世

道傍老人

老人獨坐倚官樹欲語潛然便淚垂陌上歸心無產業

城邊戰骨有親知餘生尚在艱難日長路多逢輕薄兒

晉謝靈運詩杳杳日西頽漫漫長路迫漢書李寶勸

劉嘉且觀成敗光武聞之告鄧禹曰孝孫素謹當是長

安輕薄兒誤之耳嘉字孝孫也後漢馬援書戒兒子

嚴敦曰效龍伯高不得猶為謹敦之士效杜季良不得

陷為天下綠水青山雖似舊如今貧病復何為史記原

輕薄兒

憲貧也非病也晉顏延年誄

陶潛曰少而貧病居無僕妾

送友人歸南海

遠別悠悠白髮新  
江潭何處是通津  
潮聲偏懼初來客  
海味惟甘久住人  
漠漠煙光前浦晚  
青青草色定山春

定山在錢塘南四十七里定山出浙江數百尺潮至此輒抑聲過復雷吼霆怒沈約早發定山詩夙齡愛遠

壑晚洫見奇山汀洲更有南迴雁  
亂起聯翩北向秦

唐詩鼓吹卷二